



# შირაკი

## SHIRAKI

გამოცემის 1937 წლიდან  
დედოფლისწყაროს მუნიციპალიტეტის გაზეთი

№3 (10.011)  
12-19 თებერვალი 2022 წელი  
ფასი: 60 თეთრი  
ყოველკვირეული გამოცემა

დედოფლისწყაროელმა

კიკოძისინგაბაძემა

2022 წელი

გამარჯვებით დაიწყო

მ.ვ.ვ



## ინფრასტრუქტურული პროექტები აქტიურად მიმდინარეობს



საქართველოს რეგიონული განვითარებისა და ინფრასტრუქტურის მინისტრმა ირაკლი ქარსელაძემ კახეთის რეგიონში სახელმწიფო რწმუნებულის მოადგილესთან, ბიძინა მჭერტყვალთან, პარლამენტის მაჟორიტარ წევრ ღაბით სონღულაშვილთან, დედოფლისწყაროს მუნიციპალიტეტის მერთან ნიკოლოზ ჯანიაშვილთან, საკრებულოს თავმჯდომარესთან ნუზურ პაპიაშვილთან და ცენტრალური და ადგილობრივი ხელისუფლების სხვა ოფიციალურ პირებთან ერთად დედოფლისწყაროს მუნიციპალიტეტში მიმდინარე ინფრასტრუქტურული პროექტები მოინახულა.

მინისტრი ქ. დედოფლისწყაროში პროგრამა „განახლებული რეგიონები“ ფარგლებში მიმდინარე სამშენებლო სამუშაოებს გაეცნო, ხოლო შემდეგ დალის წყალსაცავს ეწვია, სადაც აქტიურ ფაზაშია დედოფლისწყაროს წყალმომარაგების ქსელის რეაბილიტაციის პროექტი. აღნიშნული პროექტი მოიცავს ქალაქ დედოფლისწყაროსა და 15 სოფლის (ხორნაბუჯის, სამრეკლოს, ფიროსმანის, სამთაწყაროს, თავწყაროს, ჭოეთის, საბათლოს, ზემო ქედის, ქვემო ქედის, არხილოსკალოს, გამარჯვების, ოზანის, არბოშკის, ზემო მაჩხანის და მირზაანის) წყალმომარაგების ქსელის სრულ რეაბილიტაციას.

სამუშაოების ფარგლებში მოეწყობა წყალმომარაგების სრულიად ახალი ცენტრალიზებული სისტემა, რეაბილიტირდება და აშენდება რეზერვუარები, ჭაბურღილები, სატუმბო სადგურები და სათავე ნაგებობები, რასაც ჯამურად 58 მილიონი ლარი მოხმარდება, სამუშაოების დასრულების შემდეგ კი, მოსახლეობა 24 სთ-იანი ხარისხიანი წყალმომარაგებით იქნება უზრუნველყოფილი.

ირაკლი ქარსელაძე კახეთის რეგიონში სახელმწიფო რწმუნებულის მოადგილესთან, გივი მეტრეველთან, პარლამენტარ დავით სონღულაშვილთან და დედოფლისწყაროს მუნიციპალიტეტის მერთან ნიკოლოზ ჯანიაშვილთან ერთად სოფელ სამთაწყაროშიც იმყოფებოდა, სადაც საჯარო სკოლის შენობის სრული რეაბილიტაცია-გამაგრება მიმდინარეობს. სკოლა 330 ბავშვზეა გათვლილი. პროექტის ფარგლებში ხორციელდება წყალმომარაგების, ელექტროენერჯის, გათბობის, ვენტილაციისა და სახანძრო სისტემების განახლება. „მოვინახულეთ პროექტები, რომლებიც ხორციელდება სხვადასხვა მიმართულებით, როგორც საგზაო, წყალმომარაგების, საგანმანათლებლო ინფრასტრუქტურის. სამუშაოები მიმდინარეობს ძალიან ინტენსიურად. მოვინახულეთ დედოფლისწყაროსთვის ისტორიული წყალმომარაგების პროექტი, რომლის ფარგლებშიც დედოფლისწყაროს და მის მიმდებარე სოფლებს გაუუმჯობესდება წყალმომარაგება, სამუშაოები დასრულდება ვადაზე ადრე. მიმდინარეობს სამთაწყაროს სკოლის რეაბილიტაცია. 330 ბავშვი თანამედროვე და განახლებულ პირობებში მიიღებს განათლების შესაძლებლობას. განახლებული რეგიონების პროგრამის ფარგლებში, რომელიც პრემიერ-მინისტრის ინიციატივით შარშან დაიწყო მნიშვნელოვანი პროგრესი უკვე წელს გვაქვს. 2022 წელს კახეთში ისევე როგორც მთელ საართველოში 63- ვე მუნიციპალიტეტში უკვე ეტაპობრივად გაზაფხულიდან მოხდება შესაბამისი არეალების დასრულება პირველი ეტაპის ფარგლებში, რომელიც 500 მილიონი ლარის ოდენობისაა. 4 წლიან პროგრამას შესაბამისი გაგრძელება ექნება, რეალურად ეს არის ახალი შესაძლებლობა მუნიციპალიტეტის მკვიდრთათვის, რათა მიიღონ ის ახალი სერვისები, რომლებიც აქამდე არ ჰქონიათ და ასევე ბიზნესის განვითარებისთვის“ - აღნიშნა რეგიონული განვითარებისა და ინფრასტრუქტურის მინისტრმა ირაკლი ქარსელაძემ კახეთის რეგიონში ინფრასტრუქტურული პროექტების სამუშაოების გაცნობის შემდეგ.

პროექტი სახელმწიფო ბიუჯეტიდან 3,6 მილიონი ლარით დაფინანსდა.

გაიზარდა თუ

არა ტარიფები

კომუნალურ

გადასახადებზე?

მ.ვ. 4



რატომ გაიზარდა

მსოფლიოში

ცხოვრება?

მ.ვ. 6





# დედოფლისწყაროელმა კიკბოქსინგებელმა 2022 წელი გამარჯვებით დაიწყო!

3-6 თებერვალს ქ. რუსთავი მასპინძლობდა ჩემპიონატს კიკ-ბოქსინგში „მერიის თასი“. ასეთი მასშტაბური შეჯიბრი წლის დასაწყისში პირველია და საქართველოს ყველა რეგიონის ბუნ-დი მონაწილეობდა, მათ შორის რუსთავი, თბილისი, პოლნისი, მარნეულის, ბარდაბანის, სიღნაღის, გურჯაანის, დედოფლისწყაროს და სხვა.

რუსთავის მერიამ მართლაც, რომ ღირსეულად უმასპინძლა აღნიშნულ ჩემპიონატს, ყველანაირი პირობა შექმნა სპორტსმენთათვის, რათა მათ გამოეყვლინათ საკუთარი შესაძლებლობები.

3 დღიანი ასპარეზობის შემდეგ, 6 თებერვალს შედგა ფინალური ორთაბრძოლები.



საამაყო, რომ დედოფლისწყაროს მუნიციპალიტეტის სპორტისა და ახალგაზრდობის ცენტრის (ხელმძღვანელი აკაკი ნატროშვილი) გუნდ „ჩემპიონი“-ს სპორტსმენებმა (მწვრთნელი თამაზ ყარაგვეზაშვილი) მოიპოვეს 5 პირველი, 3 მეორე და 2 მესამე ადგილი.

**ჩემპიონები გახდნენ:** ლაშა ჭუბაბრია, ბექა ნაროშვილი, ლუკა ტუმასიანი, გიორგი გულაშვილი, ლევან ნიკლაური.

**მეორე ადგილი:** ნიკა თარალაშვილი, ილია ხატიაშვილი, გიგა მახანაშვილი.

**მესამე ადგილი:** მიხეილ ბაღდასარიანი და გიორგი ბაღდასარიანი.

სპორტსმენები დაჯილდოვდნენ დიპლომებით, მედალებით, თასებით და სპორტული აღჭურვილობით, ხოლო მსაჯეთა კოლეგია და მწვრთნელები დაჯილდოვდნენ ფასიანი საჩუქრებით.

## COVID-19-ით დაავადებულთა და მათთან კონტაქტირებულთა იზოლაციისა და კარანტინის ვადები მცირდება

COVID-19-ით დაავადებულთა და მათთან კონტაქტირებულთა იზოლაციისა და კარანტინის ვადები მცირდება. სტრატეგიული დანიშნულების დაწესებულებებში დასაქმებული პირებისთვის, როგორცა:

- \*სამედიცინო დაწესებულებები;
- \*ზოგადსაგანმანათლებლო დაწესებულებები;
- \*შინაგან საქმეთა, იუსტიციისა და თავდაცვის სამინისტროების სისტემები;
- \*სახელმწიფო უსაფრთხოების სამსახური;
- \*საქართველოს პროკურატურის სისტემა;
- \*ფინანსთა სამინისტროს სსიპ შემოსავლების სამსახური და ფინანსთა სამინისტროს საგამოძიებო სამსახური;

COVID-19-ის ასიმპტომური და მსუბუქი მიმდინარეობისას, აღნიშნულ დაწესებულებებში დასაქმებული პირებისთვის, პერსონალის დეფიციტის შემთხვევაში, დასაქმებულის მითითების გათვალისწინებით, იზოლაცია სრულდება ინფიცირების დადასტურებიდან მე-6 დღეს. იზოლაციის დასრულებისთვის აუცილებელია სწრაფი ტესტის უარყოფითი პასუხი. ამასთან სიმპტომების აღაგებიდან გასული უნდა იყოს სულ მცირე 24 საათი. იზოლაციის დასრულებიდან მომდევნო 5 დღის განმავლობაში მკაცრად რეკომენდებულია ნიღბის გამოყენება.

ყველა სხვა ასიმპტომური ან მსუბუქი პაციენტებისთვის იზოლაცია სრულდება Covid-19-ის დადასტურებიდან 7 კალენდარული დღის შემდეგ. ამ შემთხვევაში, არ არის საჭირო ტესტის უარყოფითი პასუხი. ამასთან მსუბუქი სიმპტომების აღაგებიდან გასული უნდა იყოს სულ მცირე 24 საათი. იზოლაციის დასრულებიდან 5 დღე ნიღბის ტარება კვლავ მკაცრად რეკომენდირებულია.

საშუალო და მძიმედ მიმდინარე შემთხვევებისთვის იზოლაციის ვადა რჩება უცვლელი და განისაზღვრება დამადასტურებელი სინჯის აღებიდან მინიმუმ 10 კალენდარული დღით. სახეზე უნდა იყოს მკვეთრად გაუმჯობესებული დინამიკა ბოლო 24 საათის განმავლობაში. იზოლაციის დასრულებიდან მომდევნო 5 დღე მკაცრად რეკომენდირებულია ნიღბის გამოყენება.

იზოლაციის დასრულების შესახებ გადაწყვეტილებას, პაციენტის ჯანმთელობის მდგომარეობიდან გამომდინარე, იღებს მისი ოჯახის ექიმი.

კარანტინის ვადები მცირდება COVID-19-ით დაავადებულთან კონტაქტირებული, არავაქცინირებული და არასრულად ვაქცინირებული პირებისთვისაც. ამ შემთხვევაში, კარანტინის ვადა 8 დღის ნაცვლად განისაზღვრება 5 დღით. ამასთან ეძლევათ ნიღბის მოხმარების მკაცრი რეკომენდაცია მომდევნო 6-12 დღის ფარგლებში. იგივე ვრცელდება, ბუსტერ დოზის არმქონე პირებისთვის, თუ ვაქცინის მე-2 დოზის მიღებიდან გასულია 90 დღეზე მეტი. ასევე კარანტინის აღნიშნული წესები ვრცელდება პირებზე, ვისაც კოვიდის ინფექციის გადატანიდან გაუვიდა 60 დღიანი პერიოდი.

შეგახსენებთ რომ, კარანტინის არ ექვემდებარებიან, თუმცა ეძლევათ ნიღბის მოხმარების მკაცრი რეკომენდაცია კონტაქტის შეწყვეტიდან მომდევნო 10 დღე:

- \*ბუსტერ დოზით ვაქცინირებულ პირებს;
- \*სრულად ვაქცინირებულ პირებს, ვაქცინის მეორე დოზის მიღებიდან 14-90 დღის განმავლობაში;
- \*ასევე პირებს, კოვიდის ინფექციის გადატანიდან 60 დღის განმავლობაში;
- \*იზოლაციის და კარანტინის განახლებული ვადები 10 თებერვალამდე ინფიცირებული და კონტაქტირებული პირებისთვისაც მოქმედებს.

## კორონავირუსის იზოლაციის პროცესი გრძელდება.

მასობრივი კამპანიის ფარგლებში ვაქცინაცია დღეს სოფელ ზემო ქედში ჩატარდა.

შეგახსენებთ, რომ კორონავირუსის ვაქცინაციის ნახალისების 200 ლარიანი პროგრამა თებერვალშიც გრძელდება. აღნიშნული



პროგრამით სარგებლობა ახლა უკვე 50 წლის და უფროსი ასაკის მოქალაქეებს შეუძლიათ.

ამავე ასაკობრივი ჯგუფის პირები ბუსტერ დოზით აცრის შემთხვევაში სახელმწიფოსგან 100 ლარს მიიღებენ.



## როგორია ვაიდსიტუაცია კახეთის რეგიონში

კახეთის რეგიონში კორონავირუსით ინფიცირების შემთხვევები გაიზარდა. დაავადებათა კონტროლისა და საზოგადოებრივი ჯანდაცვის ეროვნული ცენტრის კახეთის განყოფილების უფროსის ნაწილ ნიხანიშვილის თქმით, ბოლო 24 საათში ვირუსით ინფიცირების 1 101 ახალი შემთხვევა გამოვლინდა.

„კახეთის რეგიონში 10 თებერვლის მონაცემებით, ინფიცირების 1 101 ახალი შემთხვევა გამოვლინდა. დღის განმავლობაში აღებული ტესტების რაოდენობამ კი 3 576 შეადგინა. ინფიცირებულთა რაოდენობიდან ახმეტის მუნიციპალიტეტში - 66, გურჯაანში - 242, დედოფლისწყაროში - 276, თელავში - 19 457, ლაგოდეხში - 103, საგარეჯოში - 148, სიღნაღში - 97 და ყვარელში - 94 ახალი შემთხვევა გამოვლინდა.“

რეგიონში ვირუსის გამოვლენიდან დღემდე ინფიცირებულთა საერთო რაოდენობამ შეადგინა - 85 509, აქედან: ახმეტაში დაფიქსირებულია - 6 473 შემთხვევა, გურჯაანში - 17 138, დედოფლისწყაროში - 6 075, თელავში - 19 457, ლაგოდეხში - 10 099, საგარეჯოში - 11 513, სიღნაღში - 8 313 და ყვარელში - 6 441. ინფიცირებულთა რაოდენობა, რომელიც ამ ეტაპზე გადის მკურნალობას, შეადგენს 9 694. მათ შორის, 9 407 პირი დატოვებულია ბინაზე სამკურნალოდ, 55 ადამიანი მკურნალობს კოვიდ სასტუმროში, 232 იმყოფება კოვიდ კლინიკაში. რეგიონში დღემდე გამოჯანმრთელდა 75 364 პირი და გარდაიცვალა 451 ადამიანი „-განაცხადა ნელი ხიზანიშვილი.“

\*\*\*

დედოფლისწყაროში კოვიდითარება კვლავ მძიმეა. მუნიციპალიტეტის საზოგადოებრივი ჯანდაცვის ცენტრის ინფორმაციით, 7-10 თებერვლის მონაცემებით, კოვიდინფიცირებულთა სტატისტიკა ასე გამოიყურება: ინფიცირებულია 289 პირი, სტაციონარში იმყოფება 35 მოქალაქე, გარდაიცვალა 1 პირი. „დღემდე, საშუალოდ, კოვიდით ინფიცირების 70-75 შემთხვევა დასტურდება“-ამბობს გაზეთ „შირაქთან“ დედოფლისწყაროს მთავარი ეპიდემიოლოგი ლალი ალადაშვილი.

დედოფლისწყაროს საზოგადოებრივი ჯანდაცვის თანამშრომლები მოქალაქეებს კოვიდრეგულაციების დაცვისა და ერთმანეთის გაფრთხილებისკენ მოუწოდებენ.

# გაიზარდა თუ არა ტარიფები კომუნალურ გადასახადებზე?

## გ ა თ რ მ ა გ ე ბ უ ლ ი გ ა დ ა ს ა ხ ა დ ე ბ ი დ ა ხ ა ლ ხ ი ს პ რ ო ტ ე ს ტ ი

ბოლო რამდენიმე დღეა სოციალურ ქსელში ასობით მოქალაქე წერს, რომ კომუნალური გადასახადები საგრძნობლად, თითქმის ორმაგად გაეზარდა. მოსახლეობის უკმაყოფილებას საქართველოს ენერჯეტიკისა და წყალმომარაგების მარეგულირებელი კომისია (სემეკი) განცხადებით გამოეხმაურა, რომლის მიხედვითაც ელექტროენერჯის, ბუნებრივი აირისა და წყალმომარაგების ტარიფები არ გაზრდილა.

კომისია საზოგადოების სწორი ინფორმირების მიზნით, კიდევ ერთხელ აცხადებს, რომ არ გაზრდილა ელექტროენერჯის, ბუნებრივი აირისა და წყალმომარაგების ტარიფები. 2022 წლის პირველი იანვრიდან ტარიფები არ შეცვლილა და ძალაშია კომისიის მიერ წინა პერიოდში მოქმედი სამომხმარებლო ტარიფები. ტარიფების ზრდა არ განიხილება“ - წერს სემეკი.

თბილისის შემთხვევაში, მოსახლეობის დიდი ნაწილი იანვარში დეკემბრის თვეში მოხმარებული ელექტროენერჯისა და წყლის მეორე ქვითარს მიიღებს, რომელიც ასახავს პირველი ქვითარის გაცემიდან თვის ბოლომდე დარჩენილი დღეების ხარჯებს. ცვლილება ენერჯეტიკისა და წყალმომარაგების მარეგულირებელი კომისიის (სემეკი) გადაწყვეტილებითაა გამოწვეული, რაც მრიცხველთა წაქითხვის ერთიან სისტემაზე გადასვლას გულისხმობს. შედეგად, მოსახლეობა კომუნალური მომსახურების ქვითარს ყოველი მომდევნო თვის პირველ რიცხვებში მიიღებს. აღსანიშნავია, რომ სემეკის გადაწყვეტილება არ იწვევს ტარიფების ზრდას და ის მხოლოდ კომუნალური მომსახურების ქვითარების მიღების თარიღებს ცვლის.

### რა ხდება რეალობაში?

რეგიონებში გაზის ტარიფი გასულ წელს 6-დან 20 თეთრამდე გაიზარდა. 2021 წლის 1-ლი დეკემბრიდან არასაყოფაცხოვრებო მომხმარებლებისთვის 1 კუბური მეტრი ბუნებრივი აირი 1.15 ლარი გახდა. ბიზნესისთვის გაზის ტარიფის გაზრდასთან დაკავშირებით განცხადება კომპანიებმა წინასწარ გაავრცელეს. „2021 წლის

1-ლი დეკემბრიდან შპს „ინტერ გაზის“ საცალო არასაყოფაცხოვრებო მომხმარებლებისთვის 1 მეტრი კუბი ბუნებრივი გაზის ფასი განისაზღვრება 1.15 ლარით დღგ-ს ჩათვლით“ - აღნიშნული იყო „ინტერ გაზის“ განცხადებაში.

გასული წლის 1-ლი დეკემბრიდან გაზის ტარიფი გაზარდა შპს „სოკარ ჯორჯია გაზმა“ და „თელავ გაზმა“. აქაც ტარიფის ცვლილება მხოლოდ საცალო არასაყოფაცხოვრებო მომხმარებლებს შეეხოთ. „ფასის კორექტირების აუცილებლობა მომსახურებასთან დაკავშირებული დანახარჯების გაზრდისა და ეროვნული ვალუტის გაცვლითი კურსის ცვლილებითაა განპირობებული. ამასთან, გაზის ფასი უცვლელი დარჩება პურის მწარმოებელი კომპანიებისათვის“, - აღნიშნავდა „სოკარ ჯორჯია გაზი“ განცხადებაში. ცნობისათვის, „ინტერ გაზი“ ბუნებრივ აირს აწვდის ახალციხის და ასპინძის რაიონებს, „თელავი გაზი“ - თელავს და „სოკარ ჯორჯია გაზი“ - დანარჩენ საქართველოს, თბილისის გარდა. აღსანიშნავია, რომ ტარიფის ცვლილება არ შეეხოთ რეგულირებად აბონენტებს, ანუ ფიზიკურ პირებს.

ამ თემასთან დაკავშირებით გაზეთი „შირაქი“ სოკარ ჯორჯია გაზის დედოფლისწყაროს სერვისცენტრის ხელმძღვანელს თამაზ მომბილაშვილს დაუკავშირდა. როგორც მან ჩვენთან საუბარში აღნიშნა, ახალი წლიდან ბუნებრივ აირზე გადასახადი არ შეცვლილა და ის კვლავ უცვლელია. „დღევანდელი მდგომარეობით, საყოფაცხოვრებო აირზე გადასახადი შეადგენს 0,56 ლ და ის არ შეცვლილა. საუარაუდოდ, რამდენადაც მე მაქვს ინფორმაცია, ჯერჯერობით ტარიფის ცვლილება არ იგეგმება. გასულ წელს მომხმარებელი ცვლილება შეეხო მხოლოდ არასაყოფაცხოვრებო მომხმარებლებს, რომელთა გადასახადიც დღეს დღეობით 1.15 ლ განისაზღვრება.“

რაც შეეხება ელექტროენერჯიას. რეალურად, ელექტროენერჯიაზე ტარიფი ჯერ კიდევ 2021 წლის პირველი იანვრიდან გაძვირდა: არასაყოფაცხოვრებო მომხმარებელთათვის — 15 თეთრამდე, ხოლო საყოფაცხოვრებო მომხმარებლებისთვის



ფასნამატმა 3,5 თეთრი შეადგინა. თუმცა, 2020 წლის ბოლოს, 2021 წლისთვის მთავრობამ სუბსიდია დაანერგა - მაშინდელ და გაზრდილ ტარიფს შორის სხვაობას, იმ მომხმარებლებისთვის, რომლებიც 300 კილოვატამდე ენერჯიას ხარჯავენ თვიურად, მთავრობა ასუბსიდირებდა. მთავრობის მაშინდელი დათვლით, სუბსიდირება შეეხო მოქალაქეთა 95%-ს.

იმის გასარკვევად, თუ რა მდგომარეობაა ამ კუთხით დედოფლისწყაროში, დაეუკავშირდით ენერგოპრო ჯორჯიას დედოფლისწყაროს სერვისცენტრის მთავარ ინჟინერსა და უფროსის მოვალეობის შემსრულებელს პაატა მენთაშაშვილს. მან გაზეთ „შირაქთან“ საუბარში განაცხადა, რომ ახალი წლიდან ტარიფი უცვლელი დარჩა. „ტარიფი გაიზარდა მხოლოდ გასულ წელს. ამავდროულად, ტარიფის ზრდასთან ერთად, როგორც იცით, სახელმწიფო დაიწყო ელექტროენერჯიაზე ტარიფის სუბსიდირება. შესაბამისად, მოსახლეობამ არსებული ზრდა ნაკლებად იგრძნო. წელს, უკვე რადგან სახელმწიფო სუბსიდირება მოხსნილია, ტარიფი კი იგივე დარჩა, ვფიქრობ, ამით აიხსნება ის გარკვეული კითხვები, რაც გადასახადის თითქოს ზრდასთანაა დაკავშირებული.“

რეალურად, ყველაფერი ისევე იმ ტარიფებს ექვემდებარება, რაც აქამდე იყო როგორც კომერციული, ასევე არაკომერციული პირებისთვის.“

ზამთრის ალნიშნულმა სუბსიდირის ღონისძიებამ, მოსახლეობის მნიშვნელოვანი ნაწილისთვის, კომუნალური გადასახადების ფასი 3 თვით „გაანულა“, რამაც საშუალო ინფლაციაში, დაახლოებით 36-37%-ით ჰოვა ასახვა. პიკნესისთვის ელექტროენერჯისა თუ გაზის მიხედვით აირის ბაჰვირება, საპროლოდ, შესაქლუა ისევ მოსახლეობაზე აისახოს.

ფაქტია, რომ სუბსიდირება მხოლოდ დროებითი ინსტრუმენტი აღმოჩნდა პითარების შესაბამისად და, ჯამში, ბაჰვირების უფაქტმა გაიწვ იმომამალა როგორც პიკნესის, ისე მოქალაქეთა ყოფაზე.

სიახლე პი ალარაა, რომ გადასახადების ზრდა, არა მხოლოდ ჩვენი, მთელ მსოფლიოში მტკივნეულად აღიქმება, მდიდარ ქვეყნებშიც პი.

## სარედაქციო ფოსტა

ცოტა ხნის წინ, რედაქციაში ზარი შემოვიდა. დაგვიკავშირდნენ გიორგი ბერიძე, ცენტრს დაუმორავალი სოფლებიდან. ისინი ერთ ძალიან მნიშვნელოვან პრობლემაზე ამახვილებდნენ ყურადღებას.

საქმე საავადმყოფოს საწოლფონდს ეხება. დღესდღეობით კოვიდცენტრად გადაკეთებულ საავადმყოფოს უჭირს არაკოვიდიანი პაციენტებისთვის დამატებითი ადგილების მოძიება. ამიტომ, პაციენტების გადამისამართება ხშირად სხვა მუნიციპალიტეტების კლინიკებში ხდება. მოსახლეობა წუხს, რომ მათ დიდი მანძილის გავლა უწევთ, რაც უმეტეს წილად ხარჯებთან და გარკვეულ რისკებთანაცაა დაკავშირებული, რა თქმა უნდა, მათი ჯანმრთელობის სიმძიმედან გამომდინარე. მოსახლეობა დამატებითი საწოლფონდის გამოყოფას ითხოვს, რათა მოხდეს დამატებითი საწოლების გამოყოფა იმ ადამიანებისთვისაც, ვისაც კოვიდი არ აქვთ და, უბრალოდ, უახლოესი კლინიკის მომსახურება სასწრაფოდ სჭირდებათ.

გაზეთი „შირაქი“ ამ საკითხთან დაკავშირებით დედოფლისწყაროს საავადმყოფოს ხელმძღვანელს, ხათუნა აბლაძის გაესაუბრა. კითხვაზე, ხომ არ იგეგმება უახლოეს მომავალში საწოლფონდის დამატება არაკოვიდიანი პაციენტებისთვის, ხათუნა აბლაძე გვპასუხობს, რომ ასეთი ცვლილების შეტანა კოვიდკლინიკის საწოლფონდში არ იგეგმება. მიზეზად კი ქვეყანაში არსებულ კოვიდ სიტუაციასა და სამედიცინო პერსონალის სიმცირეს ასახელებს. „ჩვენ ჯერ-ჯერობით არ გვყავს იმ რაოდენობის პერსონალი, რომლებიც შეძლებენ როგორც კოვიდიანი, ისე არაკოვიდიანი პაციენტების მიღებასა და მომსახურებას. თანაც, სამწუხაროდ, არსებული

## მოსახლეობა დამატებითი საწოლფონდის მოლოდინში

კოვიდმდგომარეობა არ გვაძლევს ძველი რეჟიმით ფუნქციონირების საშუალებას. იმედი გვაქვს, რომ კოვიდს მალე დავამარცხებთ და შემდგომ უკვე აქტიურად გავაგრძელებთ თითოეული იმ პაციენტის მიღებას, რომლებიც საჭიროებენ სამედიცინო დახმარებას. მესმის მოსახლეობის, მაგრამ ამ ეტაპზე მდგომარეობა უცვლელია.“

დედოფლისწყაროს საავადმყოფოს ხელმძღვანელის, ხათუნა აბლაძის განმარტებით, 2020 წლის



2 დეკემბრიდან დედოფლისწყაროს საავადმყოფო კოვიდ კლინიკად გადაკეთდა, რის შემდეგაც ინფიცირებულ პაციენტებს მთელი საქართველოდან იღებდნენ. მას შემდეგ, რაც საავადმყოფო კოვიდკლინიკად გადაკეთდა, აქ ჯერ 25 პაციენტის მიღება იყო შესაძლებელი, შემდეგ 35, ახლა კი ერთდროულად 40-ზე მეტ კოვიდ პაციენტს მკურნალობენ. აღსანიშნავია, რომ დედოფლისწყაროს კოვიდკლინიკამ დღემდე ასობით კოვიდ ინფიცირებულის განკურნება შეძლო. ცოტა ხნის წინ დედოფლისწყაროს კლინიკამ ჟანგბადის სანარმოს დანადგარებიც მიიღო, რის შემდეგაც მძიმე პაციენტებისთვის საჭირო სამედიცინო ჟანგბადის ადგილზე წარმოება გახდა შესაძლებელი.

იმისთვის, რომ სამედიცინო პერსონალმა კვლავ ძველ რეჟიმში გააგრძელოს მოსახლეობის ჯანმრთელობაზე ზრუნვა, ამისათვის საჭიროა დავიცვათ კოვიდ რეგულაციები, ვატაროთ პირბადე, დავიცვათ სოციალური დისტანცია, მაქსიმალურად ავარიდოთ თავი ხალხმრავალ შეკრებებს და ყველაზე მთავარი - ჩავიტაროთ ვაქცინაცია, სხვებისა და საკუთარი სიცოცხლის დასაცავად!

გვერდი მოამზადა შუაშენა სანაშაველი

# ჩემი არჩევანი გამართლებულია

ძვირფასო მკითხველო, ნანამძღვარი-დანვე ხვდებით, ალბათ, რომ დღეს ჩვენ საუბარი გვექნება მასწავლებელზე, რომელიც ჩვენი მომავლის ფუძე-საძირკვლის ჩამყრელია და რომლის განათლებას, პროფესიონალიზმსა და პასუხისმგებლობაზე დგას ქვეყნის მომავალი. ეს არ არის ლიტონი სიტყვები, ეს - ჭეშმარიტებაა.

და აი, მე დედოფლისწყაროს მეორე საჯარო სკოლის მეორე კორპუსის მეორე სართულზე მესამე კლასის საკლასო ოთახის ზღურბლთან ვდგავარ. ბოლო გაკვეთილის დამთავრებას სულ რამდენიმე წუთი აკლია. ვალე კარს, რომელსაც აწერია: III კლასი, მასწავლებელი მანანა მახარაძე-მამიაშვილი. გამარჯობათ, ბავშვებო! - ვესალმები. გაგიმარჯოთ! - ფეხზე წამოდგარები ერთმანეთს მასწავლებელი. კლასში 18 ბავშვი ირიცხება, მაგრამ, კოვიდპანდემიის გამო, ერთი ნაწილი ონლაინ-რეჟიმზეა გადასული. დამსრუტებან ვაჟები ჭარბობენ. მიკითხვ-მოკითხვის შემდეგ ვეკითხები: - აბა, ვის უფრო მეტად უყვარს მანანა მასწავლებელი? მე! მე! - არ აცდიან პასუხს ერთმანეთს. რატომ? - კეთილია! კარგია! ბევრ რამეს გვასწავლის! თბილია! ლამაზია! - გულწრფელი ემოციებით გადმოსცემენ გულში ნადებს. ბავშვებმა ისიც იციან, რომ საახალწლო ზეიმის წინ, 23 დეკემბერს, მათ საყვარელ მანანა მასწავლებელს განათლების სამინისტროსგან გადაეცა სიგელი და ნოდება „საქართველოს დამსახურებული მასწავლებელი“. სწორედ ეს იზეიმეს 23 დეკემბერს დედოფლისწყაროს რესურსცენტრის წარმომადგენლებთან, პედაგოგებთან და მშობლებთან ერთად, ბევრი ლექსი და სიმღერაც მიუძღვნეს, უფროსებისაგან მანანა მასწავლებლის მისამართით ნათქვამი ბევრი საქებარი სიტყვაც მოისმინეს და ეს დღე სამუდამოდაც დაიმახსოვრეს. დაჯილდოების ცერემონიას ჩვენი რედაქციის წარმომადგენელიც ესწრებოდა და ინფორმაცია ამის თაობაზე გაზეთის ფურცლებიდან უკვე მოგანოღეთ. ცხადია, ეს უმაღლესი ანაზღაურებაა პროფესიის ღირსეულობის და გამორჩეულობის ენიჭებათ, მაგრამ დღეს გვინდა, უფრო ახლოს გავაცნოთ ქალბატონი მანანა, ვინ არის, საიდან მოვიდა, რა გააკეთა, როგორია, როგორც მოქალაქე, როგორც ოჯახის დედა, რას ფიქრობს, რა მიზნები აქვს...

მანანა მახარაძე-მამიაშვილი 1949 წელს სიღნაღის რაიონის სოფელ ქვემო მახარაძეში დაიბადა. მამა-ივანე მახარაძე-მამიაშვილი ვეტერანი ვაჟი იყო. დედა - თამარ ზუბადალაშვილი კი დიასახლისი და სამი ვაჟის და ერთი ქალიშვილის გაზრდა-აღზრდით იყო დაკავებული. მანანა, ოჯახის მეორე შვილი და ერთადერთი ქალიშვილი, სულ ყურადღების და აღერის „საგანი“ იყო. თავადაც იმსახურებდა-მშვიდი, განონასწორებელი, ბეჯითი და დამჯერი ბავშვი იყო, კარგად სწავლობდა და ქვევითაც მაგალითის აძლევდა თანატოლებს. კლასში პირველ მოსწავლედ ითვლებოდა და ყველა საგანს, თითქმის, ერთნაირი სიძლიერით ფლობდა. ამიტომ, ბევრი მასწავლებელი ფიქრობდა, რომ მის კვალს გაჰყვებოდა.

**ქალბატონო მანანა, როგორ მიიღეთ გადაწყვეტილება თქვენი მომავალი პროფესიის არჩევისას?**

-ყველა საგანს კარგად ვსწავლობდი, მაგრამ მყავდა გამორჩეულად საყვარელი მასწავლებელი მათემატიკაში ლამარა გოგაშვილი და ფიზიკაში ელიზა გელაშვილი. მათმა სიყვარულმა, მათნაირ ადამიანად ჩამოყალიბების სურვილმა, პედაგოგობა გადამანწყვეტინა, ვინრო სპეციალობა კი ჩემი უმცროსი ძმის დამსახურებაა. მე რომ სკოლას ვამთავრებდი, ჩემი ძმა სკოლაში შესასვლელად ემზადებოდა. მას მე ვამეცადინებდი და იმდენად მომწონდა ეს პროცესი, რომ დანებებითი კლასების მასწავლებლობა გადავწყვიტე, რამაც ბევრი გააოცა, რადგან უფრო „პრესტიჟული“ საგანიც შემიძლო ამერჩია, თუმცა, მე დღეს ძალიან კმაყოფილი ვარ და მიმაჩნია, რომ ჩემი არჩევანი გამართლებულია. ყველა საგანი ზედნაშენია იმ ცოდნასა და უნარ-ჩვევებზე, რასაც მოსწავლე დანებებითი სწავლების წლებში დააგროვებს. როგორც მყარი შენობისთვის ფუნდამენტის, საძირკვლის ჩაყარა აქვს დიდი მნიშვნელობა, ისეა აქაც. ამიტომ, დიდი

პასუხისმგებლობა აკისრია დანებებითი სწავლების მასწავლებელს.

სწორედ ამ სულისკვეთებით ჩააბარა მანანამ მაშინდელი ა.პუშკინის სახელობის პედაგოგიურ ინსტიტუტში დანებებითი სწავლების ფაკულტეტზე და წარჩინებითაც დაამთავრა იგი. განუყოფელი და დაუფიქრებელი იყო სტუდენტობის წლები, რომელსაც უფრო მეტ ხიბლს მატებდა სიყვარული. დედოფლისწყაროელი ნოდარ შანშიაშვილი ფესვებით ქვემო მაჩხანის უკავშირდებოდა. მისი მობლები-ნიკოლოზ შანშიაშვილი და მარო შანშიაშვილი ქვემო მაჩხანში დაიბადნენ და გაიზარდნენ, ოჯახის შექმნის შემდეგ კი დედოფლისწყაროში (მაშინდელ ნითელწყაროში) დასახლდნენ და ნოდარც პაპა-ბებებთან ხშირად სტუმრობდა ამ სოფელს. სწორედ იქ დაიწყო ნოდარის და მანანას ნაცნობობა, დაახლოვება და სიყვარული, რომელიც თბილისში, სტუდენტობის წლებში უფრო ლაღი და თა-



ვისუფალი გახდა. ნოდარი თბილისის ტექნიკური უნივერსიტეტის სამშენებლო ფაკულტეტზე სწავლობდა. ქიზიყური იუმორით და ფანტაზიით სავსე ყმაწვილი თავბრუს ახვევდა ქალიშვილს უამრავი სიურპრიზით. ყველა მათი სიყვარული, რომელიც ქორწინებით დაგვირგვინდა 1971 წელს. მას მერე 50 წელი გავიდა. ეს მნიშვნელოვანი თარიღიც ლამაზად აღნიშნა ოჯახმა. ბედნიერი მშობლები არიან ნოდარი და მანანა: პაპის მოსახელე ნიკოლოზი, რომელსაც შინაურობაში ყველა ნუკრის ეძახის, მამის კვალს გაჰყვა. ის პროფესიით მშენებელ-ეკონომისტი და დღეს, მამასთან ერთად, სამშენებლო ბიზნესითაა დაკავებული. რამდენიმე წელი რაიონის ხელმძღვანელობდა - ეკავა საკრებულოს თავმჯდომარის და გამგებლის პოზიციები. ქალიშვილი-მარინა, დედის-მხარდამხარ, მომავალი თაობის აღზრდას ემსახურება. ის დედოფლისწყაროს №2 საჯარო სკოლის ინგლისური ენის პედაგოგია, წამყვანი მასწავლებლის სტატუსი აქვს და ბავშვების ერთ-ერთი საყვარელი პედაგოგია. მესამე შვილი - მირანდა იურისტი. თბილისში ცხოვრობს და თბილისი ბანკში მუშაობს. სამივე დაოჯახებულია. 6 შვილიშვილის და სამი შვილთაშვილის პატრონები არიან და ხარობენ მათით.

**ქალბატონო მანანა, მოგიყვებით თქვენს მიერ განვლილი შრომითი საქმიანობის შესახებ.**

-22 წლის ვიყავი, როდესაც ოჯახი შევექმენი და მუდმივ საცხოვრებლად დედოფლისწყაროში დავეფუძნე. რამდენიმე ხანს რაიონულ არქივში ვმუშაობდი და სკოლაში ადგილის განთავსებულ ველოდი. ადვილი არ იყო მაშინ სკოლაში მოხვედრა. პირველი პედაგოგიური ნათლობა სოფელ მაროშკის კლასკომპლექტში შედგა, სადაც ქართული ენის მასწავლებლად დავინიშნე. კლასში არაქართველი ბავშვები იყვნენ და სირთულე ის გახლდათ, რომ მათ ქართული საერთოდ არ იცოდნენ. კურატორად ახლანდელი ხორნაბუჯის, მაშინ სოფელ ნითელწყაროს, რუსული საშუალო სკოლის მასწავლებელი მარია მჭედლოშვილი დამინიშნეს, შესანიშნავი პედაგოგი და ადამიანი იყო. იმდენი შევეძელი, რომ პირველივე სემესტრში (სექტემბრიდან იანვრამდე) ბავშვები ქართულად ამეტყველდნენ და

„მოსწავლე ჭურჭელი კი არ არის, რომელიც უნდა შეაფსო, არამედ ჩირაღდანია, რომელიც უნდა აანთო!“  
ლევ სობოლკევი

ინტერესიც გაუჩნდათ. მაშინ მივხვდი, რამდენი შეუძლია მიზანსწრაფულ და თავდადებულ შრომას. მერე ცოტა ხანს სკოლა-ინტერნატში ვმუშაობდი. ამასობაში, მეორე სკოლიდან პირველ სკოლაში გადაიყვანეს რაიონში უკვე სახელმწიველი მასწავლებელი ცისანა მჭედლოშვილი და მისი კლასი მე ჩამაბარეს. ეს იყო დიდი გამოწვევა. ცისანას მერე მუშაობის გაგრძელება ადვილი არ იყო. ღამეებს ვათენებდი ისე ვემზადებოდი თითოეული გაკვეთილისთვის. მესამე კლასში შევედი და ორი წელი საკმარისი გამოდგა იმისათვის, რომ თამამად ამეყვანა ახალი კლასი და პირველი კლასიდან ჩავდგომოდი მათ სათავეში. მას მერე 45 წელი გავიდა. ბევრი პირველკლასელის გაბრწყინებულ თუ

ტავად, გულებით და ყვევილებით გაფორმებული არაერთი მიძღვნა და სამადლობელი ბარათი ინახება მანანა მასწავლებლის პირად არქივში განვლილი 45 წლის მანძილზე. მინუსმინუს ნიკოლოზ ქადაგიძის დედას, **ნინო ნასრაშვილს**: „სამი წელია, მანანა მასწავლებელი ხარ თითოთობა გვაქვს და ვრწმუნდები, ჩემს შვილს როგორ გაუმართლა, მასთან რომ მოხვდა. ის იშვიათი ადამიანია, განათლებული, თბილი, განონასწორებელი, თავდაუზოგავი. მისი დამსახურებაა, რომ ჩემი შვილი ერთ-ერთი საუკეთესო კლასში, ძალიან უყვარს წიგნი, კითხულობს საბავშვო ბიბლიას, იყენებს მის მცნებებს და შეგონებებს ცხოვრებაში. მშობელთა სახელით გულწრფელად ვულოცავ ქალბატონ მანანას ამ უმაღლეს ჯილდოს, ჯანმრთელობას და კვლავაც წარმატებულ საქმიანობას ვუსურვებ.“

**-რა არის თქვენთვის სკოლა?**

-სკოლა ჩემი ოჯახია, ურომლისოდაც ყოფნა ვერც კი წარმომიდგენია. თითოეული ჩემი ნამონაწარის წარმატება ისევე მახარებს, როგორც საკუთარი შვილებისა, ისინი არც თუ ისე ცოტანი არიან: ჩემი მარინა და ვინც, თუ კანდიდატში არ ჩამომართმევთ, რადგან ის ჩემი პირველი გამოშვებაა, მის გვერდში დავაყენებ ხათუნა აბაშიძეს, ნინო იაკობიშვილს, თამუნა გიგოლაშვილს, თიკო ტეტელაშვილს, ეკა ხატიაშვილს, სოფო კოკილაშვილს, ხათუნა და ბუბა ცისკარაშვილს, და მრავალ სხვას, რომლებიც წარმატებულნი არიან თავის პროფესიასა თუ საქმიანობაში. წელს ჩვენს სკოლას ჩემი კლასი ამთავრებს. ისეთი მოსწავლეები არიან ნიკა ნიკვაშვილი, ანა ნასრაშვილი, ნიკა კობტაშვილი, ბარბარე ცისკარაშვილი, რომ მათ წარმატებებში იქვე არ მეპარება. ამ შედეგით ვხვდები, რომ ჩემი არჩევანი გამართლებულია და ეს მამბენიერებს.

**-რა არის თქვენი სკოლის სადღისო გამოწვევა?**

-ზოგადად ყველგან და ჩვენთანაც მოსწავლეთა კონტიგენტი შემცირებულია. ეს ნაწილობრივ მიგრაციამ და მცირე შევილიანობამ გამოიწვია, ნაწილობრივ კი იმანაც, რომ ადრე ქალაქი ტერიტორიულ ზონებად იყო დაყოფილი და ჩვენი ზონის ბავშვები ჩვენს სკოლაში დადიოდნენ. დიდი ხანია ეს გაუქმდა. ახლა, ვისაც სად უნდა იქ სწავლობს. რა თქმა უნდა, ეს თავისუფლება მათი უფლებაა, მაგრამ, რადგან ჩვენი სკოლა ტერიტორიულად ქალაქის ცენტრში არ მდებარეობს, ეს გარკვეულ გავლენას ახდენს. კიდევ ერთ რამეს ვნატობ: როდის მოვიშორებთ შეშის ლუმელებს მეორე კორპუსში და პირველი კორპუსით, ჩვენც ცენტრალური გათბობით ვისარგებლებთ, რადგან ერთნაირი ტემპერატურის დაჭერა მთელს საკლასო ოთახში გართულებულია. გვპირდებიან, ველოდებით, იმედს არ ვკარგავთ.

სურვილის ასრულებას ვუსურვებ და ვემშვიდობები ქალბატონ მანანას, რომელმაც ყველა პედაგოგიური საფეხური წარმატებით გაიარა: - იყო ჯერ „საუკეთესო მასწავლებლის“ ტიტულის მფლობელი, შემდეგ „უმაღლესი კატეგორიის მასწავლებელი“, ახლა „უფროსი მასწავლებლის“ სტატუსი და „რესპუბლიკის დამსახურებული მასწავლებლის“ ნოდება აქვს. კვლავაც სიცოცხლე, ჯანმრთელობა და წარმატებები ვუსურვოთ მანანა მახარაძე-მამიაშვილს პირად ცხოვრებასა და საყვარელ საქმიანობაში.

პ.ს ისე, როგორც მთელ ქვეყანაში, მანანა მასწავლებლის მესამე კლასელებმაც ჩაატარეს „წიგნის ხმამამალა კითხვის“ კვირული და მრავალი საინტერესო მოთხრობა და ლექსი ნაიკითხეს.

ცნობისთვის: „დამსახურებული მასწავლებლის“ ნოდების მისაღებად კანდიდატურებს სკოლა წარადგენს მუნიციპალიტეტის რესურსცენტრში, რესურსცენტრი მუნიციპალიტეტის ნაკრებიდან ამოარჩევს თავის კანდიდატურებს და წარუდგენს განათლების სამინისტროს. სამინისტრო უფლებამოსილია შეარჩიოს და მიანიჭოს ნოდება საუკეთესოთა შორის საუკეთესოს.

ნაირა ბორაშვილი

სიყვარულის და სიხარულის გამოსახვა

# რატომ გაძვირდა მსოფლიოში ცხოვრება?

სასურსათო პროდუქტებიდან, საყოფაცხოვრებო მნიშვნელოვან ნივთიერებამდე - მთელს მსოფლიოში ცხოვრების ხარჯები მკვეთრად იზრდება.

გლობალური ინფლაციის ტემპმა, რომელიც ფასები იზრდება, შეიძლება ითქვას, რომ 2008 წლის შემდეგ უმაღლეს დონეს მიაღწია.

რა განაპირობებს ასეთ სიძვირეს? წარმოგიდგინებ რამდენიმე მიზეზს.

## 1. ენერჯის და საწვავის გაძვირება

პანდემიის დასაწყისში ნავთობის ფასები დაეცა, მაგრამ მას შემდეგ მოთხოვნის გაზრდასთან ერთად, ფასებმა მკვეთრად იმატა.

შეერთებულ შტატებში თითო გალონი ბენზინი ამჟამად საშუალოდ 3,31 დოლარი, რაც ერთი წლის წინ 2,39 დოლარი იყო. მსგავსი სიტუაციაა დიდ ბრიტანეთში და ევროკავშირში. ასევე მოიმატა გაზის ფასი, რასაც ხარჯების გაზრდაც მოჰყვა.

## 2. საქონლის ფაქტორი

პანდემიის დროს ბევრ ცოცხალდღიურ საქონელზე ფასები გაიზარდა. გასული წელს, დიდი ლოკდაუნის დროს ქვეყნების მოსახლეობის დიდმა ნაწილმა დანაზოგები სახლის რემონტში და სხვა საქონეებში დახარჯა.

უამრავი მწარმოებელი კვლავაც იბრძვის არსებობისთვის, ბევრი კი უბრალოდ, დაიხურა. ამან გამოიწვია უამრავი ნივთის დეფიციტი, მათ შორის, როგორცაა პლასტიკის, ბეტონი და ფოლადი, გაიზარდა მათი ფასებიც. 2021 წელს დიდ ბრიტანეთში ხე-ტყე 80%-ით ძვირი ღირდა, ვიდრე რეგულარული ფასი პანდემიამდე.

აშშ-ს მსხვილმა საცალო მოვაჭრეებმა Nike-მ და Costco-მ მიწოდების ჯაჭვის მალალი ხარჯების გამო გაზარდეს ფასები. აქვე უნდა აღინიშნოს მიკროჩიპების დეფიციტიც, რომლებიც მანქანების, კომპიუტერების და სხვა საყოფაცხოვრებო ნივთების სასიცოცხლო მნიშვნელობის კომპონენტებია. ყველაფერმა ამან კი დიდი გავლენა იქონია მსოფლიო ბაზარზე არსებულ ფასებზე.

## 3. ბრუნავადობის ფაქტორი

გლობალური გადაძვირების კომპანიები, რომლებიც აგზავნიან საქონელს მთელს მსოფლიოში, ახლაც გადატვირთულია მზარდი მოთხოვნის გამო. ეს ნიშნავს, რომ საცალო მოვაჭრეებმა გაცილებით მეტი უნდა გადაიხადონ ამ ნივთების მალაზიებში მოსატანად. შედეგად, ფასები გაეზარდა მომხმარებელს.



აზიიდან ევროპაში ერთი 40-ფუტიანი კონტინერის გაგზავნა ამჟამად 17 000 დოლარი ღირს - 10-ჯერ მეტი, ვიდრე ერთი წლის წინ, როდესაც ღირდა 1 500 ფუნტი. ამასთან ახლდა ავიაბილეთის გაზრდილი ტარიფი და ევროპაში სატვირთო მანქანების მძღოლების ნაკლებობა.

თუმცა, აღსანიშნავია, რომ დეკემბერში, როდესაც შეერთებულმა შტატებმა თავის პორტებში რეკორდული საცობების დაძლევა დაიწყო, სატრანსპორტო შეფერხებები შემსუბუქდა. მაგრამ Omicron-მა და Covid-ის მომავალი ვარიანტების გაჩენამ შეიძლება გააუქმოს ეს მიღწევები.

## 4. ხელისუფლების ზრდა

პანდემიის დროს ბევრმა ადამიანმა და-

ტოვა სამსახური ან შეიცვალა სამუშაო. აშშ-ის შრომის დეპარტამენტის მონაცემებით, ოთხ მილიონზე მეტმა ადამიანმა დატოვა სამსახური აპრილში, რაც რეკორდული მაჩვენებელია. შედეგად, ფირმებს უჭირთ ისეთი კადრების დაქირავება, როგორცაა მძღოლები, კვების გადამამუშავებლები და მიმტანები რესტორნებში. აშშ-ს 50 მსხვილი საცალო ვაჭრობის გა-

ინფრასტრუქტურა დაზიანდა.

მიკროჩიპებზე მოთხოვნის დაკმაყოფილებასთან დაკავშირებული პრობლემები კიდევ უფრო გამწვავდა მას შემდეგ, რაც გასულ წელს ზამთრის ძლიერი ქარიშხლის გამო, ტენესის დიდი ქარხნები დაიხურა.

მას შემდეგ რაც მსოფლიოს უმსხვილეს მწარმოებელს, ბრაზილიას თითქმის ერთი საუკუნის განმავლობაში ყველაზე საშინელი გვალვის შემდეგ, ცუდი მოსავალი ჰქონდა, მსოფლიო ბაზარზე აინია ყავის ფასმაც.

## 6. სავაჭრო ბარიერები

ფასებს ასევე უფრო ძვირი იმპორტი ზრდის. Brexit-ის ვაჭრობის ახალმა წესებმა, 2021 წლის პირველ ნახევარში ევროკავშირიდან დიდ ბრიტანეთში იმპორტი დაახლოებით მეოთხედით შეამცირა. ამას დაემატა ცალკე, აშშ-ს იმპორტის გადასახადები ჩინურ საქონელზე, რაც საბოლოოდ მყიდველისთვის გაზრდილი ფასი აღმოჩნდა.

ჩინურმა სატელეკომუნიკაციო გიგანტმა Huawei-მ გასულ წელს განაცხადა, რომ 2019 წელს კომპანიის მიმართ დაწესებული აშშ-ის სანქციები ამერიკულ მომწოდებლებზე და მომხმარებლებზე გავლენას ახდენდა.

## 7. მხარდაჭერის პროგრამების დასრულება, რომლის პანდემიის დროს მოქმედებდა

მთავრობები მთელს მსოფლიოში ეტაპობრივად წყვეტენ ბიზნესისთვის განუღებ მხარდაჭერას. პანდემიის დროს მთელ მსოფლიოში გაიზარდა სახელმწიფო ხარჯები და სესხები. ამან გამოიწვია უფრო მაღალი გადასახადები, ადამიანებს არსებობა გაუჭირდათ, ხოლო უმეტესობისთვის ხელფასი იგივე დარჩა.

ზოგიერთი ეკონომისტი ვარაუდობს, რომ როდესაც მხარდასაჭერი პროექტები დასრულდება, ინფლაცია მთელს მსოფლიოში კიდევ უფრო გაიზრდება.

წყარო - BBC

## „ფეისბუქი“ და ინსტაგრამი“ შესაძლოა, ევროპაში დაიხუროს

„Facebook“ და „Instagram“ შესაძლოა, მთელ ევროპაში დაიხუროს. ამის შესახებ დამფუძნებლებმა კომპანიამ Meta განაცხადეს.

საქმე ეხება მონაცემთა ევროპულ რეგულაციას, რომელიც უფლებას არ აძლევს Meta-ს კომპანიას, რომელიც ადრე Facebook-ის სახელით იყო ცნობილი, გადაიტანოს, შეინახოს და დაამუშავოს ევროპელების მონაცემები აშშ-ში დაფუძნებულ სერვერებზე.


აშშ-ის ფასიანი ქაღალდებისა და ბირჟების კომისიის ყოველწლიურ ანგარიშისას, Meta-მ განაცხადა, რომ თუ ახალი ჩარჩო არ იქნა მიღებული და კომპანია ვეღარ გამოიყენებდა შეთანხმებების ამჟამინდელ მოდელს, სავარაუდოდ, კონტინენტიდან წასვლა მოუწევდა.

„მეტამ“ განაცხადა, რომ ქვეყნებს შორის მომხმარებლის მონაცემების დამუშავება გადამწყვეტია ბიზნესისა და რეკლამის მიზნებისთვის.

„თუ ჩვენ არ შევძლებთ მონაცემთა გადაცემა ქვეყნებსა და რეგიონებს შორის, მათ შორის, სადაც ჩვენ ვმუშაობთ, ან თუ შეზღუდული გვაქვს მონაცემების გაზიარება ჩვენს პროდუქტებსა და სერვისებს შორის, ამან შეიძლება გავლენა იქონიოს ჩვენი სერვისების მიწოდების უნარზე, ჩვენს მიწოდებაზე“, - ნათქვამია განაცხადებაში.

„მეტას“ განმარტებით, იმედოვნებენ, რომ შეძლებენ ახალ შეთანხმებას წელს მიაღწიონ, მაგრამ თუ ეს ასე არ მოხდა, „ჩვენ, სავარაუდოდ, ვერ შევთავაზებთ ჩვენს უამრავ მნიშვნელოვან პროდუქტს და სერვისს, მათ შორის Facebook-სა და Instagram-ს, ევროპაში“, - აცადებენ კომპანიაში.

## ევრესტმა 2000 წლის განმავლობაში დაგროვებული ყინული 30 წელიწადში დაკარგა



ჰიმალაიზა პლანეტის ყველაზე მაღალი მყინვარები, თუმცა ისინი დაზღვეული არ არიან კლიმატის იმ ცვლილებებისგან, რომელიც დღემდე გვაქვს უკვე წლებია მიმდინარეობს.

მკვლევართა აზრით, უკვე რამდენიმე ათწლეულია, რაც ყოველ წელს გლობალური დათბობის გამო, ყინულის დიდი მასა იკარგება. ევრესტის სამხრეთ ნაწილმა, რომელიც ზღვის დონიდან 8 000 მეტრის სიმაღლეზე მდებარეობს, სულ რაღაც სამ ათეულ წელიწადში 2000 წლის განმავლობაში დაგროვებული ყინული დაკარგა. ამის შესახებ Maine-ის უნივერსიტეტის მკვლევრებმა განაცხადეს.

მათივე ინფორმაციით, მომდევნო წლების განმავლობაში მოსალოდნელია, რომ კიდევ უფრო მეტი ყინული დადნება, ამიტომაც, მთავლელებისთვის ევრესტზე ასვლა იქნება უფრო რთული და სახიფათო.

მეცნიერები ამბობენ, რომ ყინულის ზედაპირმა თავისი სტრუქტურა შეიცვალა და დაკარგა უნარი, რომ გაუძლოს მზის რადიაციას, რაც მის სწრაფ დნობას იწვევს.

„კლიმატური პროგნოზების მიხედვით, დათბობა და მყინვარული მასის კლება გაცრძობდება“, - ამბობს კვლევის ავტორი, ლაციოქიმკოსი მარიუშ პოტოკი. გამოცემა independent მკვლევრებზე დაყრდნობით წერს, რომ ბოლო 25 წელიწადში მყინვარი დაახლოებით 55 მეტრით დათხვდა.



# „მასობრივი ტერორის მსხვერპლთა ერთ-ერთ სამარხში 29 ადამიანის ნეშტია ნაპოვნია“ - IDFI

IDFI-ის ინფორმაციით, გათქმისა და ლაზარის ეპარქიისა და ინფორმაციის თავისუფლების განვითარების ინსტიტუტის (IDFI) მოწვევით, კოლონელის ეროვნული მემორიალის ინსტიტუტის (IPN) დელეგაცია 2022 წლის 24 იანვრიდან ანარაშვილში აჭარაში კილაჟი ერთი, რიგითი მემორიალში მასობრივი ტერორის მსხვერპლთა სამარხიდან ნეშტების ამოსვენებისა და შესწავლის სამუშაოებს დაიწყო.

მათივე ცნობით, 3 თებერვალს პოლონელმა სპეციალისტებმა სრულად გახსნეს №6 სამარხი, რის შემდეგაც დაიწყო ნეშტების ამოსვენების პროცესი. არქეოლოგიური სამუშაოების შედეგად სულ ნაპოვნია 29 ადამიანის ნეშტი.

ინფორმაციის თავისუფლების განვითარების ინსტიტუტის (IDFI) მიერ შსს არქივში დაცული, სხვადასხვა დღეს შედგენილი განაჩენის აღსრულების აქტების შესწავლის შედეგად აღნიშნულ სამარხში აღმოჩენილი ნეშტების რაოდენობა ემთხვევა 1938 წლის 15 მარტის განაჩენის აღსრულების აქტში არსებულ რეპრესირებულთა რაოდენობას.

დოკუმენტის თანახმად, 1938 წლის 11 მარტს, საქართველოს შინაგან საქმეთა სახალხო კომისრის, გოგლიძის მიმართვისა და აჭარის ავტონომიური რესპუბლიკის შინაგან საქმეთა სახალხო კომისრის, ზაქარაიას უშუალო ბრძანების საფუძველზე, 1938 წლის 15 მარტს, ღამის 4 საათზე სასჯელის უმაღლესი ზომა, დახვრეტა აღასრულეს 29 ადამიანის მიმართ.

ორგანიზაციის გავრცელებული ინფორმაციის თანახმად, ეს ადამიანები იყვნენ:

1. აშრაფიანი ფილიპე ივანის ძე — დაბ. 1868 წ.
2. ასატურაიანი არუთუნ გეორგის ძე — დაბ. 1906 წ.
3. ანდლულაძე ილარიონ იასონის ძე — დაბ. 1887 წ.
4. აბაშიძე ისმაილ ჭუსეინის ძე — დაბ. 1904 წ.
5. ალექსანდრე ჭუსეინ ალექსანდრის ძე — დაბ. 1869 წ.
6. ბუღიშვილი გერასიმე პეტრეს ძე — დაბ. 1884 წ.
7. ბატყი მიხაილ მიხაილის ძე — დაბ. 1868 წ.
8. ვერეჟო ანტონ ანტონის ძე — დაბ. 1863 წ.
9. გოლიაძე პართენ ამბაკოს ძე — დაბ. 1878 წ.
10. გაგუა სერაპიონ სიმონის ძე — დაბ. 1885 წ.
11. გორდელაძე გიორგი იოსების ძე — დაბ. 1893 წ.
12. გობრონიძე ირაკლი გიორგის ძე — დაბ. 1883 წ.
13. ერშოვი ევგენი ვასილის ძე — დაბ. 1890 წ.
14. ჟულჩენკო სიმონ დიმიტრის ძე — დაბ. 1905 წ.
15. კრომლიძე ფილიპ გეორგის ძე — დაბ. 1903 წ.
16. ლოპატიანი ტიმოფეი პროკოფის ძე — დაბ. 1892 წ.
17. მხიანი არამ გრიგორის ძე — დაბ. 1898 წ.
18. მანჯგალაძე (პოპოვა) მირა ვა-



- ლერიანის ასული — დაბ. 1908 წ.
19. ნიკოლაიშვილი ნიკოლოზ თაყაის ძე — დაბ. 1881 წ.
20. რუსთაველი ირაკლი მოსეს ძე — დაბ. 1897 წ.
21. ტომარაძე დემიან ფიოდორის ძე — დაბ. 1890 წ.
22. ტანტ-ოლი მეველუდ აჰმედის ძე — დაბ. 1892 წ.
23. თოდუა ლეონიდე სიმონის ძე — დაბ. 1893 წ.
24. ხარაიშვილი სიმონ დავითის ძე — დაბ. 1895 წ.
25. ხალვაში აბდულა ისკენდერის ძე — დაბ. 1905 წ.
26. ცეცხლაძე რიზა თემურის ძე — დაბ. 1917 წ.
27. ცინცაძე გრიგოლ მაქსიმეს ძე — დაბ. 1905 წ.
28. ჩაგანავა ნილოზი მელიტონის ძე — დაბ. 1910 წ.
29. ჩხაიძე გედევან ქიშვარდის ძე — დაბ. 1908 წ.

სამარხებში ასევე აღმოჩენილია 1930 წლიდან 1936 წლის ჩათვლით მოჭრილი საბჭოური მონეტები (კაპიკები). ლილები, სავარცხელი, ბოთლის ნამსხვრევები, ფეხსაცმლის და ტანსაცმლის ნარჩენები. ნეშტების განცალკევების შემდეგ დაიწყო მათი ანთროპოლოგიური შესწავლის პროცესი.

შესწავლისთვის განსაკუთრებულად მნიშვნელოვანი შეიძლება აღმოჩნდეს ის ფაქტი, რომ 1938 წლის 15 მარტს დახვრეტილებს შორის ქალიცაა — 30 წლის მანჯგალაძე (პოპოვა) მირა ვალერიანის ასული. მისი იდენტიფიცირების შემთხვევაში შესაძლებელი იქნება სამარხის დათარიღება 100%-იანი სიზუსტით, — ამბობენ ორგანიზაციის წევრები.

IDFI-ის მიერ არქივებში ჩატარებული კვლევით, 1937-1938 წლებში სხვადასხვა სადამსჯელო ოპერაციის შედეგად (როგორც არის კულაკური ოპერაცია, სტალინური სიები, ნაციონალური ოპერაციები და სხვა) აჭარაში სულ 1050 ადამიანი დახვრიტეს. კვლევით დადგინდა, რომ ამ 1050 ადამიანს შორის იყო 11 ქალი.


IDFI მიიჩნევს, რომ აუცილებელია წარმართოს ცნობიერების ამაღლების კამპანია მოსახლეობაში, განსაკუთრებით სკოლის მოსწავლეებსა და სტუდენტებს შორის, რაშიც უნდა ჩაერთოს მთავრობა, სასულიერო პირები, სპეციალისტები და საკითხზე მომუშავე ორგანიზაციები, რათა აქტიურად გავრცელდეს ინფორმაცია 1937-38 წლებში მიმდინარე რეპრესიების მსხვერპლთა შესახებ.



„აღმოჩენილ ნეშტებს ხელეები უკან აქვთ შეკრული, ხოლო თავის ქალაზე აღენიშნებათ ცეცხლსასროლი იარაღით მიყენებული შემავალი ჭრილობა — ზუსტად ისეთი ნახვრეტი, როგორც აღენიშნებათ სხვა ქვეყნებში მსგავს ადგილებში აღმოჩენილი, საბჭოთა დიდი ტერორის დროს დახვრეტილი ადამიანების თავის ქალებს. გარდა ამისა, სამარხები, რომელიც წარმოადგენს წინასწარ გათხრილ დიდ ორმოებში ერთად მოთავსებული ათეულობით ადამიანის ნეშტს (რომელსაც შემდეგ სავარაუდოდ მიწის ერთიანი მასა გადააყარეს), სხვა ქვეყნებში აღმოჩენილი ანალოგიური ადგილების იდენტურია.“

**მონატრება**

**ლევან ღვინიაშვილი**



უკვე მეექვსედ ვხვდებით შენს დაბადების დღეს, შვილო. 20 თებერვალს 40 წელი შეგისრულდებოდა, უბედურმა შემთხვევამ შეინირა შენი ღამაში სიცოცხლე. თავზარდამცემი იყო ჩვენთვის შენი დაღუპვა. ეს ტკივილი თითოეულ ჩვენგანს ცხოვრების მეგზურად ექცა.

ლევან, ყოველი დღე შენს მოლოდინში თენდება და ღამდება. ის სიხარული, რომელიც შენი მხიარული შემოსვლით გვანიჭებდი, სადღაც გაქრა და ახლა მხოლოდ მოგონებად დაგვრჩა. 20 თებერვალი შენი დაბადების დღეა, რომელიც ძალიან გვიყვარდა დედ-მამას, ძმებს, ნათესავებს. ახლა ისლა დაგვრჩენია, მოვიდეთ შენს სამუდამო სასუფეველთან ყვაილებით, ავინთოთ სანთლები. 40 სანთელი იქნება შენი დაბადების დღის საჩუქარი, გვაპატიე შვილო, რომ უშენოდ ცხოვრება ვისწავლეთ. მოვიდვართ შენთან. შენს მაგივრად გაყინულ ქვას ვეფერებით, ვესაუბრებით. დაველოდებით ღმერთის ნებას. შეხვედრამდე შვილო. უფაღს ვიხლოვ ნათელში მიმყოფოს შენი სული. მძიმე და უფერულია ცხოვრება უშენოდ. ძალიან გვენატრები. ჩვენი ტკივილი.

შენი ოჯახი.

სოფელ სამრეკლოს გამგეობა და გამგეობის ყოფილი თანამშრომლები: იზოლდი ხარაშვილი, ფატი სარიშვილი, მანანა ნიკლაური, ნინო ბურდული, ზურაბ ლეკაშვილი, ლიდა ემრაშვილი, ნანა გომიაშვილი და ცისანა არაბული იუნყებიან

**ნატალია (კატო) ნატროშვილ-მაძლარაშვილის**

გარდაცვალებას და სამძიმარს უცხადებენ ლევან მაძლარაშვილს დედის გარდაცვალების გამო.

ნოდარ გივიშვილი, გივი ლომიძე, დოდო ლომიძე, ნაზი მოსაშვილი, მარიკა ჯავახიშვილი ოჯახებით თანაგრძნობას უცხადებენ ჯემალ კოტაშვილს დის, ინაზი კაკალაშვილს მულის, ვახტანგ და მარინა კოტაშვილებს მამიდის

**ნელი კოტაშვილის**

გარდაცვალების გამო.

მეზობლები: გენადი ნასრაშვილი, ნანა ყაზარაშვილი, ომარ ალადაშვილი, სოსო გოგაშვილი, ნონა ნიკოაშვილი, გია გონაშვილი, მზია ბარბაქაძე, დათო რობიტაშვილი თანაგრძნობას უცხადებენ ჯემალ კოტაშვილს - დის, ინაზი კაკალაშვილს - მულის, მარინა და ვახტანგ კოტაშვილებს, რძალს ანის-მამიდის, ნინოს-პაპიდის

**ნელი კოტაშვილის**

გარდაცვალების გამო.

მადლენა ყოჩიაშვილი, ეკა და მაკა აფციაურები ღმერთს მნუხარებით იუნყებიან

**კაკო პოპიაშვილის**

გარდაცვალებას და თანაგრძნობას უცხადებენ მეუღლეს - ნათელა ლაპიაშვილს, შვილების - თამილა და თეა პოპიაშვილების ოჯახებს.

მადლენა ყოჩიაშვილი, ეკა და მაკა აფციაურები თანაგრძნობას უცხადებენ ჯემალ, ინაზი, მარინა, ვახტანგ კოტაშვილებს

**ნელი კოტაშვილის**

გარდაცვალების გამო.

# კუპიდონი იზოლაციაში ანუ სიყვარული - საუკეთესო ვაქცინა

პანდემია პროცესია, რომელიც გვინდა თუ არა, მაინც ახშობს ცხოვრების ჩვეულ რიტმს და ჩვენს ყოველდღიურ სურვილებსა თუ შესაძლებლობებს შორეულ ქარებს ატანს. პანდემია კრიზისია, რომლის დროსაც, როგორც ვირჯინია ვულფი იტყობდა, „ადამიანის მარადიული ბუნება იცვლება“. მაგრამ, უფრო რეალისტები თუ ვიქნებით, ამ კრიზისის დროს ჩვენს რეალურ ბუნებას, არსს, შიშები და სისუსტეები უფრო თვალჩინაობის ხდება და დგება უამრავი ვფიქრობთ: ვინ უნდა გადაგვარჩინოს? ვის ეკისრება გადარჩენის დიდი მისია, რომელიც მათ შარავანდელ-მანტიანად გვირეზავს აქცევით? თუმცა არ უნდა დაგვავიწყდეს, რომ ხორციელ მკურნალობასთან ერთად, ჩვენ სულზე დაკვირვება, სულის გადარჩენა და შინაგანი სამყაროს მოვლა-პატრონობაც გვევალება.

პანდემია ურთიერთობებში სიახლოვის გარეშე. ის ქაოსია, რომელიც მუდმივად გვიტყვის და გვცდის, თუ ვინ როგორ მივიღებთ გარემოს ზენოლას და რამდენად მზად ვიქნებით მასთან საბრძოლველად. ბრძოლას კი მაშინ აქვს აზრი, როდესაც დასაკარგი რაღაც ან ვიღაც ჩვენთვის ძვირფასია. ამიტომ, პანდემია ურთიერთობების გამოცდა აღმოჩნდა. მან კუპიდონიც კი იზოლაციაში „გამოკეტა“. ვერ გეტყვით, თითქმის რვა მილიარდმა ადამიანმა დედამიწაზე ეს გამოცდა როგორ ჩააბარა, მაგრამ პროცესი რომ ნამდვილად კრიზისული აღმოჩნდა, უამრავმა კვლევამა და შესაბამისმა დასკვნამ აჩვენა. ზოგი განქორწინდა, ზოგმა დიდხანსი სასიყვარულო ურთიერთობა დაასრულა, ზოგმა მეგობრობაზე და მეგობრობის არსზე თქვა უარი, ზოგმა პანდემია დიდი ხნის წინ დაწყებული ბზა-

რების ბოლომდე მიყვანაში გამოიყენა და ასე დაასრულა, ის რაც აქამდეც უნდა მომხდარიყო. პროცესი შეუქცევადი აღმოჩნდა და დღემდე არის.

თუმცა, როგორც ექიმები იბრძვიან დღეს უამრავი ადამიანის სიცოცხლის გადასარჩენად, ისე თითოეული ადამიანი უნდა იბრძოდეს ღირებული ურთიერთობებისა და საკუთარი თავის „შინაგანი სამყაროს“ გადასარჩენად. ვაქცინაცია თავისი არსით მხოლოდ მეცნიერების მიერ შექმნილი ნამალი არ არის. სიყვარული ვაქცინაა, რომელიც ამ საუკუნეს ყველაზე მეტად აკლია. ზოგადად ადამიანს აკლია, ის რაც მისი გადარჩენის წინაპირობაა. სიყვარულს ალტერნატივა არ აქვს და მასთან არ არსებობს სხვა გეგმა. კაცობრიობამ მოიგონა უამრავი დღე სიყვარულისა, მაგრამ ის კი ვეღარ მოიგონა, როგორ შევიწინააღმდეგოთ ეს სიყვარული. მოგონება მარტვია, მისი შენახვა და გაფრთხილება, კი...რა გითხრათ, რით გაგახაროთ?

„სიყვარული ყველაზე ძველი, ამავე დროს, ევოლუციას დაქვემდებარებული მოვლენაა, რომელიც სულ იარსებებს. ახალმა კორონავირუსმა გვაიძულა, კიდევ ერთხელ მკაცრად გადაგვხედოდა ჩვენი საჭიროებებისთვის, მიგველო რთული გადაწყვეტილებები და გვეშინებინა უფრო ძლიერი პარტნიორობა საყვარელ ადამიანებთან და საკუთარ ოჯახის წევრებთან. პანდემია უდიდესი შესაძლებლობაა, უფრო მეტი გავიგოთ საკუთარ პარტნიორსა თუ ახლობლებზე, ერთად გავიზარდოთ. ერთი მხრივ, ადამიანი თავისუფლებისმოყვარე, მოხეტიალე არსებაა, მაგრამ მეორე მხრივ - მთელი რიგი მიზეზების გამო, მას სახლიც სჭირდება. მუდმივად ვინმესთან ახლოს ყოფნა შემოქმედებითობას მოითხოვს.“



თუმცა არც ის უნდა დაგვავიწყდეს, რომ კრიზისის დროს დადებითზეც ვკონცენტრირდეთ. არ ვაჩვენოთ სიძულვილი საყვარელ ადამიანსა თუ ოჯახის წევრებს. მათი მოსმენა და კომპორმისებზე წასვლა სულაც არ გვაკნინებს, პირიქით, ის საბოლოოდ იმაზე კარგ შედეგს მოგცემთ, ვიდრე ელოდით. ფსიქოლოგ ნათია ფანჯიკიძის სიტყვებითაც „სიყვარული რთული საქმეა, შეიძლება თან გადაჰყვე და სძულდე ადამიანს ან უყვარდე ყველანაირი სამსახურის გარეშე“, მაგრამ ამავედროულად „ამქვეყნად ყველანაირი დაავადება სიყვარულის ნაკლებობის გამო ჩნდება და ყველანაირ დაავადებას სიყვარული

კურნავს. ხელს მოგანერ ყოველთვის ამ სიტყვებს. ეს არის ერთადერთი ჯადოქრობა. თუ ღმერთი სიყვარულია, მაშინ ლოცვა ყოფილა სიტყვა „მიყვარხარ.“ თუკი გვინდა, რომ კუპიდონი იზოლაციიდან, ხოლო ურთიერთობები დეფიციტიდან გამოვიყვანოთ, მივყვეთ რეგულაციებს და შემოთავაზებული ვაქცინების ჩამონათვალს სულ თავში პირველი და შეუცვლელი ვაქცინა დავეყენოთ - სიყვარული, რომელიც ყველა სიმძიმეს ამსუბუქებს და ყველა კრიზისს შესაძლებლობად აქცევს, შეხედო სამყაროს განსხვავებულად და სხვისი თვალებით.

უშუშუნა ყანჩაშვილი


## იკითხე ხაზგაღწევა, შეცვალე მსოფლიო!



„წიგნის საჯაროდ კითხვის მსოფლიო დღე“ დედოფლისწყაროში, პანდემიიდან გამოდინარე, მოკრძალებულად აღინიშნა. როგორც მუნიციპალიტეტის კულტურისა და სპორტის დეპარტამენტის დირექტორი ილია მარტყოფლიშვილი ბაზაში „შირაჟთან“ საუბრისას აცხადებს, „წიგნის საჯაროდ კითხვის დღე“, კომუნიკატიულობის გამოდინარე, შეზღუდულად, მაგრამ მაინც ჩატარდა. დედოფლისწყაროს ცენტრალური მუნიციპალური ბიბლიოთეკის ბარდა, ეს დღე აღინიშნა დედოფლისწყაროს სოფლის ბიბლიოთეკასა და საჯარო სკოლებში“.

დედოფლისწყაროს მუნიციპალური ბიბლიოთეკის ხელმძღვანელის მანანა მაჭარაშვილის ინფორმაციით, ბიბლიოთეკამ წიგნის კითხვის საჯაროდ კითხვის დღე ღონისძიებით აღნიშნა. მასში მონაწილეობდნენ ბიბლიოთეკის მოქალაქეთა მომსახურების განყოფილების თანამშრომლები: თინათინ სულაშვილი და თინათინ ელაშვილი, ასევე საბავშვო ბიბლიოთეკის წარმომადგენელი ზაირა კაისაძე, რომლებმაც წაიკითხეს სიმონ ჩიქოვანისა და მურმან ლებანიძის ლექსები. ღონისძიებაში მონაწილეობდნენ მოსწავლეები ნატალი და მარიამ ალუღიშვილები, რომელთაც პოეზიის სიყვარული ამ დღესაც საჯაროდ დააფიქსირეს და თავიანთი საყვარელი პოეტების ლექსები მხატვრულად წაიკითხეს.

დედოფლისწყაროს მუნიციპალური ბიბლიოთეკის ხელმძღვანელმა ისაუბრა წიგნის საჯაროდ კითხვის დღის მნიშვნელობაზე და მიმოიხილა 2022 წლის იუბილარი ქართველი ავტორების- სიმონ ჩიქოვანისა და ნინო ნაკაშიძის შემოქმედება. წიგნის საჯაროდ კითხვის მსოფლიო დღე მსოფლიოში ცნობილი ღონისძიებაა, რომელშიც 100 სხვადასხვა ქვეყნიდან 31 მილიონ ადამიანამდე მონაწილეობს და ერთიანდება საერთო სლოგანის გარშემო: იკითხე ხაზგაღწევა, შეცვალე მსოფლიო!



საქართველოს წიგნის გამოშვებულთა და გამავრცელებულთა ასოციაციის მიზანია, საქართველო შეუერთდეს ამ საერთაშორისო ინიციატივას და გახდეს მსოფლიოს ამ მასშტაბური ღონისძიების ნაწილი, საქართველო და მისი ქალაქები მოხსენიებული იყოს მსოფლიოს სხვადასხვა ქალაქების გვერდით. ჩაერთოს ბევრი ადამიანი და ვიკითხოთ წიგნი მსოფლიოსთან ერთად. მნიშვნელოვანია ასევე ღონისძიების მასშტაბურობა — ლოკალური და რეგიონული მასშტაბით წიგნის ავტორების, უნივერსიტეტების, სკოლების, წიგნის მაღაზიებისა და კულტურის ცენტრების ჩართულობა, რათა ხელი შეეწყოს საქართველოში წიგნის პოპულარიზაციას. წიგნის კითხვის დღე საქართველოში წიგნთან დაკავშირებულ პროცესებს უფრო მრავალფეროვანს და საინტერესოს გახდის. საქართველოში წიგნის საჯაროდ კითხვის მსოფლიო დღე უკვე მეშვიდედ ჩატარდა.

ინგა შიოლაშვილი

## ქვეყნად ერთი ქრისტე დარჩა, და იუდა რამდენი!

დედოფლისწყაროს მუნიციპალიტეტის ი.ჭავჭავაძის სახელობის მნიგნობართა ასოციაციის თაოსნობით 2 თებერვალს დღის 2 საათზე ღია ცის ქვეშ თბილისის ოპერის ბაზში გაიმართა წიგნის საჯაროდ კითხვის დღე.

მნიგნობართა ასოციაციის წევრებთან ერთად წიგნის საჯაროდ კითხვაში მონაწილეობა მიიღეს სპეციალურად მოწვეულმა სტუმრებმა, ოპერის ნამყვანმა სოლისტებმა: მაყვალა ასპანიძემ, მარიკა მანჩიქაძემ, ირინა ალექსიძემ, არმაზ დარაშვილმა, ლევან მაკარიძემ, ოთარ შიშილაშვილმა.

მათ წაიკითხეს ზ.გამსახურდიას ლექსები და განსაკუთრებული მონობე დაიმსახურეს:

„ზეცად ასულს უკან გავევა,  
ლოცვა-ცრემლის დამდენი,  
ქვეყნად ერთი ქრისტე დარჩა,  
და იუდა რამდენი...“

ოვაცია დაიმსახურა ახალგაზრდა დეკლამატორის მარიამ ტოხიშვილის მიერ წაკითხულმა ლექსებმა, ცნობილი პოეტების: მზია ხეთაგურის, თემურ ჩალაბაშვილის და ჯუმბერ უთრუთაშვილის წიგნებიდან.

საკუთარი ლექსებით წარსდგა მსმენელების წინაშე პოეტი ნანი საბანაძე, რომელმაც თავისი პოეზიით კიდევ ერთხელ გაუთბო გულები წიგნის მოყვარულებს. ღონისძიებას უძღვებოდა ია ხურცილავა, ხელოვნებათმცოდნე, ქართულ-ამერიკული სკოლის პედაგოგი. მან განსაკუთრებული მადლობა გადაუხადა ოპერის მეგობარს, პროექტის ავტორს და ორგანიზატორს ნანა ჭიჭინაძეს, რომელმაც პანდემიის პიკის პერიოდში შეძლო და შეკრიბა ძვირფასი საზოგადოება დევიზით „იკითხე ხაზგაღწევა, შეცვალე მსოფლიო!“

საჯაროდ კითხვის დღე დასრულდა კახური მრავალფეროვანი, ოპერის სოლისტების შესრულებით.

მარიკა შიშილაშვილი

ა მ ი ნ დ ი		დ ე დ ო ფ ლ ი ს		ნ ო ვ ა რ ი	
ორშაბათი 14.02	სამშაბათი 15.02	ოთხშაბათი 16.02	ხუთშაბათი 17.02	პარასკევი 18.02	შაბათი 19.02
ღამე	ღამე	ღამე	ღამე	ღამე	ღამე
3°	-4°	7°	-2°	8°	-2°
10°	-2°	11°	-1°	11°	0°
11°	0°	11°	-1°		
კვირა 20.02					
ღამე					
11°					
-1°					

გამომცემელი შპს „შირაჟი“  
დირექტორი ინგა შიოლაშვილი  
რედაქტორი ნაირა ზორაშვილი-პოპიაშვილი  
წერილში მოყვანილ ფაქტებსა და ციფრებს პასუხს აცხადებს ავტორი.

სარედაქციო კოლეგია: უშუშუნა ყანჩაშვილი (ჟურნალისტი); ელზა ხარაშვილი (სტილისტი-მენეჯერი); ხათუნა ბინაშვილი (კორექტორი); ნათია ბოსტაშვილი (ბუღალტერი); ნინო ზვანაშვილი (ოფის-მენეჯერი); მზია ქანჭაძე (საქმის მწარმოებელი).  
გაზეთი აიწყო და დაკაბადონდა „შირაჟის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 22-85; 598 72-18-72 (დირექტორი) 591 09-24-65 (რედაქტორი)  
რეგისტრირებულია დედოფლისწყაროს რაიონის სასამართლოს მიერ, №6014-468.